

Deporte Local

Cu apenas tres luna di training

Shanayah Howell a bin cas bek cu titulo mundial



ORANJESTAD (AAN)--- Dia 23 te cu 27 juli 2014 Rotterdam, Hulanda tabata e anfitrión di e UCI BMX World Championship 2014.

En principio no tabata e intencion pa Shanayah competi den e mundial ariba mensiona, mirando cu ya pa tres aña Shanayah no a competi den mundial. Tambe Shanayah tin mas cu un aña y mei sin core ningun careda internacional, esaki debi cu tin otro planes pa cu Shanayah den e deporte di BMX. E planes ta mas dirigi riba e momento pa Shanayah bira profesional ora yega e edad di 18 aña, pero Shanayah a keda semper toch cu e deseo di por ta ariba e podium mundial, pa asina e bandera di su pais tambe ta waya memei di e pais grandinan.

Durante e tres añanan aki cu a pasa, Shanayah a haya complicashon cu su bista y mester a hasi operacion urgente na Colombia, esaki a pone cu Shanayah no por a core bais at all pa un temporada largo, ainda Shanayah lo mester hasi un operacion grandi riba su bista pronto na Merca.

Tres luna pasa su Manager Jozef Everon a aserca Shanayah y a bise "If your dream is to be ones more on that Word podium, Pick up your bike and lets do it". Despues di a haya ok di su especialista di wowo, Shanayah a cuminsa train pa logra su soño. Mesora a forma un team di expertonan di BMX pa Shanayah. Pedro Estaba un entrenador di BMX profesional Venezolano tabata encarga cu e training di Shanayah y e otro atletanan

Arubiano. Bryan Elisabeth pit Coach, Freddy Flanders trainings patner y Audy Soukander di Xcycles tabata encarga cu e diseño y arma un bais nobo pa Shanayah. Sin core ningun careda internacional pa prepara pa mundial Shanayah a subi avion rumbo Hulanda.

Compitiendo cu 56 mucha muher di diferente pais rond di mundo Shanayah a gana tur su caredanan den e prome buelta. Asina Shanayah a pasa pa cuart final, despues semi final y ultimo pa final. Den final Shanayah a topa dos Japones, Dos Frances, un di Latvia, un di Australia, un di Hulanda. E ochonan aki ta wordo considera e mihor 8 atletanan di mundo den e categoria di girls 15 years debi cu 8 atleta so por bai final. Shanayah ta haya den final un gate afo nr7. Na momento cu luz a bira berde Shanayah a sali un poco laat y no a logra penetra mas. Asina Shanayah mester a conforma su mes cu e puesto number 7. Den e forma aki Shanayah a logra conquista e titulo di World 7. Shanayah a keda sumamente contento di por a hiba Aruba su nomber y bandera un biaha mas riba e World Podium, apesar di tur su contra tiemponan. Tambe Shanayah a mantene su record, di competi den 6 mundial y den tur 6 a logra titulon mundial den BMX. Shanayah a demonstra, cu Determinacion, disciplina, Curashi y cu Fe den Dios tur cos ta posibel. Un pabien grandi pa Shanayah y Aruba en general.